

Kum 2027 ca i Taang 7 apnak

Victoria ahcun siangngakchia hna nih Taang 7 an phak in secondary sianginn an thawk.

Zeitik ahdah ka sok khawh?

Kum 2027 ca i Victoria cozah secondary sianginn apnak:

- On thawk nicu **Nikhatni 20 April 2026 in**
- Khar ni cu **Ningani 8 May 2026 ah.**



Ka fa i sokkhawhnak covo pawl cu zeidah an si?

Victoria ahcun *Fimcawwnak le Cawwnak Thlennak Phung 2006* tangah na fa nih amah he aa tlakbiknak sianginn ('mah khua sianginn') te ah apnak nawl a ngei. Mah khua pawngkam sianginn timi cu a zungzal na umnak hmun sianginn zone tthen nih a khiah. Na umnak khuachung sianginn a si lomi sianginn dang zong ah na sok khawh. Sianginn nih hmunhma a lawngmi an ngeih rih ahcun na fa kha an cohlan awk a si.

Kum 2027 Taang 7 caah ka fa cu zeitindah ka ap lai?

Na fa cu Victoria cozah primary sianginn ah a kaimi a si ahcun an sianginn nih "Taang 7 Apnak Phihnak" timi catlap kha an in pek la i cucu Ningani 8 May 2026 ni hlan ah phih le pek tthan kan si lai. Phih ding catlap cu kan webpage [primary in secondary i thialnak](#) zongah hmuh khawh a si.

Na soknak ah **na duh deuhmi** cozah secondary sianginn 3 tiang na tial khawh.

Na fa cu cozah sianginn a si lomi primary sianginn ah a kai ah cun secondary sianginn i ap ningcang kong he pehtlai in tam deuh hngalh chap awkah na duhmi sianginn kha pehtlainnak na tuah khawh.

Ka umnak khuachung sianginn le ka pawngkam i sianginn dang hna kha zeitindah ka hmuh khawh hna lai?

Ka Sianginn Kawl (Find my School) timi website ah na umnak khuachung sianginn kha na hmuh khawh:

1. Na browser chung ah findmyschool.vic.gov.au ttial law lut.
2. 'Thawknak caah na umnak kha luh' (Enter your address to get started) timi tangah na umnak hmun kha luh.
3. 'Enrolment Year' tangah 2027 kha thim.
4. 'School type' tangah 'Secondary' le '7' kha thim.

Cu hnu ah map nih na umnak pawngkam sianginn kha a langhter lai. Sianginn he pehtlainnak konglam cu map kehlei ah hmuh khawh a si. A tanglei ah na ttum ahcun na address he aa naih bikmi cozah sianginn pa nga cazin na hmuh lai.

Catholic asilole a leng sianginn ah ap ka duh sual ah tah?

Catholic asilole a leng (cozah ta asi lomi) sianginn ah ap na duh ahcun ap ningcang phundang deuh te na zulh a hau lai. Thawngpang tam deuh cu a tanglei website ah hin na hmuh khawh:

- Catholic sianginn hna: vcea.catholic.edu.au/choosing-a-catholic-school/
- Independent sianginn hna: is.vic.edu.au/independent-schools/

Cozah sianginn ah a tu lio ah a kai liomi Taang 6 siangngakchia hna i nulepa le zohkhenhtu vialte nih an fa cu cozah ta a silomi sianginn ah an kai ding a si hmanh ah *Taang 7 Thialnak caah Soknak ca* form kha an phit dih a hau. Cozah si lomi sianginn ah fehtermi hmunhma na ngeihnak kong (sianginn min telh chih in) asiloah fehtermi na hngak ti kha na primary sianginn chimh awkah form kha na hman khawh. Form na phih lo ahcun na fa nih an khua cozah secondary sianginn sinin sianginn luhnak sawwnak a hmuh lai.

Sianginn nih soknak kha zeitindah biapi ah an chiah?

Sianginn pawl nih cun an umnak zone chung ah a ummi siangngakchia vialte kha min cazin peknak an tuah piak hna awk a si. Sianginn nih an zone leng ah a ummi siangngakchia hna ca zong ah hmunhma a um ahcun min khumhnak an tuah awk a si.

Sianginn pakhat nih an umnak zone leng a ummi siangngakchia vialte kha a cohlan khawh hna lo ahcun sianginn apnak cu a tanglei ning te in hin papek a si lai.

1. sianginn ah aa khatmi zungzal umnak hmun ah a um i caankhatte ah hi sianginn ah a kai vemi unau a ngeimi siangngakchia caah
2. Siangngakchia dang vialte cu an inn le sianginn he aa naih aa hlatnak ning in.

Sianginn hmun leng ah a ummi siangngakchia hna zong thil sining a hlei in a um tikah zaangfahnak hrumbunhin min khumh khawh ding ruah an si.

Sianginn cohlanak i biakhiahnak kan tuah ning hngalh chap na duh ahcun [Sianginn apnak](#) timi khan rak lut.

Sohluah ka ap hnu ah ka konglam aa thlen ahcun zeitin a si lai?

Na fa i primary sianginn kha a ran khawh chungin rak pehtlai hna. Na soknak sohluah cu thlennawnnak an tuah lai.

Sawmnak (offer) ka hmuh lo ahcun ka duh deuhmi secondary sianginn ah nawlnak ka tuah kho lai maw?

A si, na soknak phichuak cu thlennak tuah khawh a si. Na fa cu cozah primary sianginn a kai ahcun an sianginn nih na duhmi sianginn ah nawlnak tuah ning a fiantermi zung Appeal Form copy an in pek khawh.

Na fa cu cozah ta asilomi primary sianginn ah a kai ahcun secondary sianginn kha dengteo in chawn colh ko. Anmah nihcun Nawlnak Form le nawlnak tuah ning konglam kha an in pek khawh.

Cozah ta silomi (Catholic asilole a leng) primary sianginn ah ka sok a si ah tah zeitin a si lai?

Na fa cu cozah si lomi sianginn ah a kai ahcun, *Taang 7 Tthialnak caah Soknak* form kha na phih lai i na duhmi cozah sianginn ah Ningani 8 May 2026 hlan ah dengteo in na pek lai.

Nulepa le Zohkhenhtu hna caah Taang 6 in 7 tiang Tthialnak Konglam Cauk ah aa telmi soknak ca cu [Primary in Secondary Sianginn ah I thial](#) webcahmai in na download khawh.

Taang 7 tthialnak kong he pehtlai in konglam tam deuh khoika ah dah ka hmuh khawh lai?

[Primary in secondary sianginn ah i thial](#) webpage ah Taang 7 tthialnak ningcang kong he pehtlai in konglam cauk na hmuh khawh. Na fa primary sianginn ah konglam zong na hal khawh hna.

Konglam ca leh bawmhnak na herh ahcun, zaangfahnak tei n na fa primary sianginn he bia i ruah.

Bawmhnak caah ho dah ka pehtlaih hnga?

Na fa primary sianginn i Kum 6 Coordinator, Tthialnak Coordinator asiloah Saya ngan bik nih Taang 7 tthialnak kong he pehtlai in biahlnak na ngeih ahcun an in bawmh khawh.

Athahnemmi link hna

Ka Sianginn (my School) kawl – findmyschool.vic.gov.au

School hmun pawl – vic.gov.au/school-zones

Sianginn i minkhumhnak – vic.gov.au/how-choose-school-and-enrol

Secondary sianginn ah i thial – vic.gov.au/moving-primary-secondary-school-information-parents-and-carers

Pumtlinglo sinak le itel dihmi fimcawnnak – vic.gov.au/disability-and-inclusive-education

Mahumnak hmun i zung pehtlaihna pawl – vic.gov.au/office-locations-department-education

Biahalnak tlangpi

Email: enquiries@education.vic.gov.au

Fawn: 1800 338 663

2027 chung Taang 7 soknak caah caan suaimi

2026 Nithla hna		Nulepa/ zohkhenhtu hna nih zeidah tuah an herh?
Term 1: Nihnihni 27 January 2026 (siangngakchia thawkni cu 28 January) – Nilini 2 April 2026		
Term 1, 2026 thawk in	<ul style="list-style-type: none"> • Sianginn zohnak kha kai ve secondary sianginn pawl nih an tuah mi (<i>na duh ahcun</i>). 	
Nilini 2 April 2026 ni tiang	<ul style="list-style-type: none"> • 2027 cacawn kum caah sianginn hmun zone pawl a lawngmi a um. Na khua chung pawngkam ummi sianginn kha www.findmyschool.vic.gov.au ah na hmuh khawh. 	
Term 2: Nikhatni 20 April 2026 – Ningani 26 June 2026		
Nikhatni 20 April 2026 thawk in	<ul style="list-style-type: none"> • Term 2 hramthawk nak ah primary sianginn nih Taang 6 in 7 Soknak Konglam Cauk cu Taang 6 siangngakchia hna an chungkhar sinah an pek hna lai. Hi cauk ahcun ‘Taang 7 Tthialnak caah soknak’ aa tel. • A konglam tam deuh theih na duh ahcun Tthialnak Konglam Cauk zong kha Primary in Secondary Sianginn ah i thial zawn in na download khawh. 	
Ningani 8 May 2026 tiang	<ul style="list-style-type: none"> • Taang 7 Tthialnak ca Soknak Sohluah cu na fa primary sianginn ah rak ap. • Na fa cu a tulio ah inn ah sianginn a kai asiloah cozah si lomi primary sianginn a kai lio a si ahcun, na duh deuhmi cozah secondary sianginn ah hmakhattein in sohluah kha ap. 	
Nithumni 24 June 2026	<ul style="list-style-type: none"> • Secondary sianginn nih 2027 sianginn kum caah riantuannak hmuhmi kong kha hi ni tiang ah ca in an in theiher lai. 	
Term 3: Nikhatni 13 July 2026 – Ningani 18 September 2026		
Ningani 17 July 2026	<ul style="list-style-type: none"> • Thlen na duh ahcun na duhnak secondary sianginn sinah nawlnak caa kha hi ni hlan ah rak ap. 	
Nihnihni 4 August 2026 ni tiang	<ul style="list-style-type: none"> • Secondary sianginn nih nawlnak phichuak cu caa in an in thanh than te lai. 	
Nihnihni 11 August 2026 tiang ah	<ul style="list-style-type: none"> • Na fa umnak hmun cohlannak kha fehter cu ‘Taang 7 Tthialnak Cohlannak Cauk’ kha phih law na fa sianginn ah kua than. 	
Nihnihni 18 August 2026 hlan ah	<ul style="list-style-type: none"> • Na duh deuhmi secondary sianginn ah nawlnak na tuah khawh lo ahcun cu he aa pehtlaimi Regional Director sinah nawlnak ca na pek khawh. 	
Term 4: Nikhatni 5 October 2026 – Ningani 18 December 2026		
Ningani 16 October 2026 tiang ah	<ul style="list-style-type: none"> • Regional Director sinah nawlnak na tuah ahcun, region zung nih hi ni hlan ah a phichuak kong kha ca in an in theiher lai. Mahcucu 2026 August 18, Nithumni khar ni tiang a phanmi nawlnak ca lawngah a ngahmi a si. 	
Nihnihni 8 December 2026	<ul style="list-style-type: none"> • Secondary sianginn nih Taang 6 siangngakchia hna caah Cawnpiaknak Ni an tuah. 	